

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Savez uputio urgenciju u vezi sa izmjenama Zakona o zaštiti i dobrobiti životinja	1
Općina Glamoč sprema tužbu protiv BiH zbog nemarnog uništavanja eksplozivnih sredstava	1
Potpisani ugovori iz oblasti vodoprivrede sa četiri općine HNŽ u vrijednosti 855.000 KM	2
INTERVJU: Branko Bago, načelnik Općine Posušje	3
Održana godišnja konferencija Sistema obuke za JLS u BiH	4
INTERVJU: Edin Hozan, načelnik Općine Jajce	5
Općina G.Vakuf zadužuje se 1 mil KM za uređenje industrijske zone	6
INTERVJU: Agan Bunić, načelnik Općine Bužim	7
Gradonačelnik Sarajeva A.Behmen predstavio rezultate postignute u 2012. godini	9
Dijalog gradonačelnika	11
Forum za traženje partnera IPA Programa prekogranične saradnje BiH - Hrvatska	11
LAF Studijsko putovanje iz oblasti javnih nabavki	12

Bilten Saveza općina i gradova Federacije Bosne i Hercegovine

Svim našim članicama, partnerima, saradnicima i prijateljima želimo sretnu i uspješnu 2013. godinu!

To all our members, partners, colleagues and friends we wish a happy and prosperous New Year!



SAVEZ OPĆINA I GRADOVA FBiH UPUTIO URGENCIJU U VEZI SA IZMJENAMA ZAKONA O ZAŠTITI I DOBROBITI ŽIVOTINJA



Predsjedništvo Skupštine Saveza općina i gradova Federacije Bosne i Hercegovine je na Dvadesetoj sjednici održanoj 04.12.2012. godine u Sarajevu

ponovno aktualiziralo pitanje Zakona o zaštiti i dobrobiti životinja i probleme u vezi sa njegovom primjenom.

Naime, Savez, kao zakonski zastupnik svojih članica pred vlastima u Federaciji Bosne i Hercegovine, u skladu sa preporukom Ombudsmena Bosne i Hercegovine, dana 14.03.2012. godine organizirao je konferenciju na temu „Problemi u primjeni Zakona o zaštiti i dobrobiti životinja sa aspekta lokalnih zajednica“. Zaključke sa konferencije Savez je dostavio Uredu za veterinarstvo na daljnje postupanje, sa molbom da ga informiše o poduzetim aktivnostima.

S obzirom na činjenicu da do sada Savez nije informisan, a uzimajući u obzir nadležnost Ureda za veterinarstvo Bosne i Hercegovine u ovoj oblasti, 7. decembra/prosinca 2012. godine, Savez je Uredu za veterinarstvo uputio urgenciju u vezi sa realizacijom spomenutih zaključaka.

U odgovoru koji smo dobili iz Ureda za veterinarstvo stoji da su prihvatljive prijedloge ugradili u integralnu verziju nacrtu izmjena i dopuna Zakona, te da će pomenuti nacrt biti predmet razmatranja Radne grupe za izmjenu i dopunu Zakona.

Urgenciju Saveza zaprimila je i Institucija ombudsmena/ombudsmana za ljudska prava Bosne i Hercegovine.

OPĆINA GLAMOČ SPREMA TUŽBU PROTIV BiH ZBOG NEMARNOG UNIŠTAVANJA EKSPLOZIVNIH SREDSTAVA

Općina Glamoč će tužiti državu BiH zbog štete nastale nemarnim uništavanjem viška naoružanja i minsko-eksplozivnih sredstava na vojnom poligonu "Odlučna Barbara" na Glamočkom polju, rekao je načelnik glamočke općine Radovan Marković, a prenosi Glas Srpske.

Marković je rekao da velike detonacije, razni eksplozivi i njihov hemijski sastav imaju višestruko negativno dejstvo - od poremećaja strukture reljefa, nadzemnih i podzemnih voda do fatalnih posljedica po biljni i životinjski svijet. „Prije nekoliko dana oglasio se federalni Institut za agropedalogiju koji je u svom izvještaju obznanio da je zemljište na poligonu kontaminirano, uz veliko prisustvo bakra, ali i kadmija i nikla“ - naglasio je Marković. On je istakao da su mještani u panici i da strahuju da se prilikom uništavanja naoružanja oslobađa zračenje, te da to nadležni vješto kriju od javnosti. „Angažovali smo i jednu nezavisnu komisiju iz Zagreba i očekujemo da nam narednih dana stignu rezultati o zagađenosti zemljišta od posljedica uništavanja viška naoružanja“.



Grb Općine Glamoč

Ukoliko se na dosadašnji način budu uništavali naoružanje i avio bombe, kaže Marković, nema ni govora o proizvodnji zdrave hrane, a neće biti ni povratka stanovništva na vijekovna ognjišta. „Sve dok je "Odlučna Barbara" aktivna, postoji bojazan da će se opet desiti neki nesretan slučaj. Ove godine se desila nesreća u kojoj je smrtno stradao mladić Duško Domuzin kada je nagazio na eksplozivnu napravu, koja se nije aktivirala prilikom uništavanja naoružanja, dok je na Duška Ivetića pao dio granate dok je čuvao ovce u Glamočkom polju, udaljenom pet kilometara od poligona“ - podsjetio je Marković. On je napomenuo da je nedavno predsjedavajuća Zajedničke komisije za odbranu i bezbjednost BiH Dušanka Majkić zatražila od Ministarstva odbrane BiH da odgovori na pitanje ko trenutno uništava naoružanje i minsko-eksplozivna sredstva u Glamoču i koliko će taj proces trajati.



Općina Glamoč

POTPISANI UGOVORI IZ OBLASTI VODOPRIVREDE SA ČETIRI OPĆINE HNŽ U VRIJEDNOSTI 855.000 KM

Ministar poljoprivrede, šumarstva i vodoprivrede Hercegovačko-neretvanske županije Donko Jović, 29. decembra/prosinca 2012. godine, potpisao je s načelnicima općina Čapljina, Čitluk, Jablanica i Prozor-Rama ugovore iz oblasti vodoprivrede, prenosi portal www.dnevni-list.ba.

S načelnikom **Općine Čapljina** Smiljanom Vidićem ministar Jović potpisao je ugovore o sufinansiranju radova sukladno redovitom programu radova u vodoprivredi za 2012. godinu, i to za projekte "Zaštita naselja/područja Neretva od visokih voda rijeke Bregave", "Sanacija melioracijskih kanala na lokaciji Čapljinsko polje", "Sanacija melioracijskih kanala na potezu Gorica-Struge-Gabela", "Noveliranje Glavnog projekta II faze II etape i izrada tenderske dokumentacije Vodovod Dubrave" i "Noveliranje Glavnog projekta Vodovoda Čapljina-Trebižat-Prčavci-Zvirovići". Vrijednost sufinansiranja navedenih projekata je 300.000 KM.

Ministar Jović je s načelnikom **Općine Čitluk** Ivom Jerkićem potpisao četiri ugovora o sufinansiranju radova u vodoprivredi za 2012. godinu u vrijednosti od 320.000 KM, i to za sljedeće projekte: "Vodosprema Odaci", "Glavni distribucijski cjevovod vodosprema Jelina glavica – crpna postaja Ograđenici" – Broćanska ulica, "Vodovodna mreža Blizanci – poboljšanje opskrbe vodom viših zona naselja Blizanci (Kordići i Gakići)" i "Sanacija obala rijeke Neretve i oštećenja od djelovanja voda na lokalnoj cesti u Biletić polju".

S načelnikom **Općine Jablanica** Salemom Dedićem ministar Jović potpisao je Ugovor o sufinansiranju izvođenja radova na projektu "Proširenje gradske vodovodne mreže" – Zlate II faza koji Ministarstvo sufinansira sa 125.000 KM, a s načelnikom **Općine Prozor-Rama** Jozom Ivančevićem potpisao je Ugovor o sufinansiranju projekta "Vodoopskrbni sustav oko Ramskog jezera", nastavak izvođenja radova u 2012. godini, gdje Ministarstvo sufinansira iznos od 110.000 KM.



Također, par dana ranije ministar Jović potpisao je s načelnikom **Općine Konjic** Emirom Bubalom ugovor o sufinansiranju nastavka izvođenja radova na projektu "Kanalizaciona mreža grada Konjica sa uređajem za prečišćavanje". Prvu dionicu projekta sufinansira Ministarstvo poljoprivrede, šumarstva i vodoprivrede Hercegovačko-neretvanske županije sa 300.000 KM, a preostali dio od oko 400.000 KM finansira Općina Konjic.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmedmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu



INTERVJU: BRANKO BAGO, NAČELNIK OPĆINE POSUŠJE

Izvor: Večernji List, 21.12.2012

Branko Bago, novoizabrani načelnik općine Posušje, rođen je 1975. godine i spada među najmlađe načelnike u BiH. Osnovnu i srednju školu pohađao je u Posušju, a kao maloljetnik uključuje se u obrambene postrojbe. Nakon rata završava studij cestovnog prometa na Sveučilištu u Zagrebu, a na Filozofskom fakultetu Sveučilišta u Mostaru stječe zvanje diplomiranog novinara. Sa suprugom Ivanom ima četvero djece, živi u posuškom naselju Bage.

Spadate u novu, mladu snagu HDZ-a BiH. Što Posušjani mogu novo očekivati?

Ta nova, mlada snaga HDZ-a BiH je i u velikom dijelu OO, na čelu s predsjednikom Ivicom Pavkovićem, kao i među našim vijećnicima. Sa šefovima općinskih službi obavio sam razgovor i naglasio da ću raditi energično i odlučno te da takav pristup tražim od svih njih. Oni koji ne budu tako htjeli ili mogli raditi, bit će zamijenjeni novim šefovima. Također sam naglasio da će u meni ujedno imati i dobrog prijatelja i strogog šefa. Savjest me je natjerala da se upustim u političke vode, iako ne volim govoriti da sam političar. Ja se jednostavno nisam mogao pomiriti sa stanjem depresije, bezidejnosti, apatije, širenjem defetizma. Dužnost načelnika Općine Posušje je zahtjevana, traži dosta angažmana, odricanja, jasne vizije, upornosti, strpljivosti, organizacijskih vještina, stručnosti. Ipak, kada osjetite da niste sami i da ima dosta ljudi oko vas koji shvaćaju o čemu pričate, onda je sve lakše.

Kakva je trenutna gospodarska i socijalna situacija u Vašoj općini te što se može očekivati u sljedećem razdoblju?

Činjenice govore da smo mi kao općina u financijskim dubiozama koje su relativno velike, ali ne i nerješive. Društveno stanje općine je narušeno, ali ne i nepopravljivo. Socijalne prilike su teške, ali ne i neizdržive. Zapitajmo se jesu li naša očekivanja realna kada uzmemo u obzir naše okruženje, okolnosti i dosadašnje navike. Siguran sam da uz jednu vjeru u bolje sutra i kvalitetan rad nismo ni svjesni koliko toga možemo promijeniti na bolje. Preuzeo sam ulogu načelnika u trenutku kada je oko 2000 ljudi u Posušju na Zavodu na zapošljavanje. Dosta privatnih tvrtki je u velikim problemima, branitelji nam se izvode iz stečenih prava, u javnim poduzećima i ustanovama je prenatrpan broj djelatnika. Gradska rasvjeta nam je isključena zbog dugovanja, a na naplatu stižu velike rate kredita za vodoopskrbni sustav. Dugovi općine prema dobavljačima su golemi, trenutni sustav prijevoza đaka u škole je neodrživ, imamo nepravednu raspodjelu javnih prihoda s viših razina... Mi se jednostavno moramo zapitati hoćemo li mijenjati neke navike i ustaljenu praksu ili pustiti da bez otpora "potonemo". Općinsku upravu i javne ustanove žurno ćemo racionalizirati. Krećemo i u provedbu financijskih ušteda, no ne na uštrb pružanja kvalitetne usluge građanima i korisnicima proračuna. Najteže mi pada kada moram ljudima, koji su uistinu u potrebi i kojih je na žalost sve više, a koje dobro poznajem, objašnjavati da im ne mogu pomoći na način na koji oni očekuju. Ovo je možda jedno od najtežih financijskih i gospodarskih razdoblja u novijoj povijesti Posušja, ali to nam samo treba biti dodatni motiv da svi zajedno pokrenemo općinu iz ovog sivila i zamlrosti. Razmišljajmo pozitivno, isturimo najbolje igrače u prve redove, ne dijelimo se dodatno i ne osvrćemo se previše ne prošlost.

Koji su novi gospodarski projekti na pomolu?

Radit ćemo na tome da se poboljša ozračje za ulagače. Tu prvenstveno mislim na ulaganja u naše poslovne zone. Osrdak, Vlaka, Topala i Zavelim naši su aduti za privlačenja investitora. Kvalitetnija općinska uprava mora biti i magnet i asistent svim potencijalnim ulagačima. Moramo se okretati više proizvodnji, posebno proizvodnji hrane, boljem iskorištavanju mineralnih sirovina, uvođenjem novih tehnologija za kamen, drvo, plastiku, stvaranjem konkurentnosti u okruženju i za izvoz. Naši gospodarstvenici koji su se nedavno udružili primjer su kako se može i treba raditi. Njihova iskustva i poznanstva s gospodarskim subjektima u BiH, RH i svijetu nisu zanemarivi i itekako će nam dobro doći.


Koji su novi infrastrukturni projekti u tijeku i koje imate u planu?

U Posušju imamo solidno riješen cestovni prsten oko grada, ali imamo još nedovršenih dijelova na čemu planiramo i dalje raditi. Vodoopskrbni sustav nam je također u dobroj mjeri priveden kraju, ali još neke krakove moramo završiti i taj sustav konačno staviti u pogon, čime bi stvorili uvjete za povrat velikog kredita. Tu dugoročno dobro stojimo u smislu količina i isporuke vode, ali veliki je problem što nemamo izgrađenu filter-stanicu, koja nam je preduvjet za prodaju vode Hrvatskoj, a koju trenutno ne možemo financirati. Tu smo upali u svojevrstu „klopku“, tako da nam sada nakon isteka grace perioda stižu velike rate kredita na naplatu, koji ćemo teško vraćati bez te filter-stanice. Također nam je jedan od zadataka naći najoptimalnije i najprihvatljivije rješenje za vodoopskrbu u Rakitnu. Trebamo tehnički poboljšavati elektroenergetsku mrežu. S izgradnjom kanalizacijske mreže ne možemo odmah započeti, ali tijekom ovog mandata to bi svakako trebalo učiniti. Važan je i početak izgradnje vjetroparka u Poklečanima, od kojeg očekujemo dio koncesijskih prihoda, kao i od rudnih i mineralnih sirovina. Možemo se nadati otvaranju novih radnih mjesta.



Branko Bago, načelnik Općine Posušje

“Kvalitetnija općinska uprava mora biti i magnet i servis i asistent svim potencijalnim ulagačima. Moramo se okretati više proizvodnji, posebno proizvodnji hrane, boljem iskorištavanju mineralnih sirovina, uvođenjem novih tehnologija za kamen, drvo, plastiku, stvaranjem konkurentnosti u okruženju i za izvoz.”



Grb Općine Posušje



Posušje

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



**SISTEM OBUKE ZA JEDINICE
LOKALNE SAMOUPRAVE U BIH**

Znamo Vas po aktivnom sudjelovanju na području kulture i sporta. Koliko ćete se posvetiti napredovanju općine na tom planu?

Moje dosadašnje djelovanje na tim poljima daju mi za pravo da i tu mogu neke stvari inicirati, osnaživati, pomagati i sugerirati. Planiram u skladu s mogućnostima davati više prostora i poticaja svima onima kojima je stalo i do kulture, sporta... Prije svih mislim na mlade, na njihove ideje i potrebe koje moramo više usklađivati s istinskim vrijednostima. Dosta je naših pojedinaca, klubova, društava i udruga ostvarivalo zapažene rezultate u raznim područjima, većinom se to temeljilo na njihovoj velikoj volji i samoodricanju, bez sustavne potpore nadležnih institucija. Tražit ću načina kako neke manifestacije staviti na samoodržive temelje. Prekinut će praksu da se pojedinim udrugama koje su se uspavale u radu daje novac poreznih obveznika - ili će se morati aktivirati i nuditi projekte, ili ćemo ih "skinuti" s proračuna.

Dio Parka prirode Blidinje pripada općini Posušje, ali i dio neasfaltiranog puta?

Sjedište parka je u Masnoj Luci koja pripada našoj općini, a tu su i jezero Blidinje i Čvrtnica. Općina će morati aktivnije se uključiti u procese koji se događaju na tome području, i biti jedan od sukreatora razvoja i smjera. Veliki je interes i završetak izgradnje regionalne ceste, reguliranje izgradnje, legalizacija objekata. Očekujemo da će se stanje vezano uz organizaciju popraviti i da će biti prostora za angažman turističkih i ugostiteljskih snaga. Htio bih pozvati sve dobronamjerne Posušane da se ostavimo nekih razmirica iz prošlosti i u pobjedničkom duhu damo malo više sebe za opće dobro Posušja.

Ovo je možda jedno od najtežih finansijskih i gospodarskih razdoblja u novijoj povijesti Posušja, ali to nam samo treba biti dodatni motiv da svi zajedno pokrenemo općinu iz ovog sivila i zamrlosti. Razmišljajmo pozitivno, isturimo najbolje igrače u prve redove, ne dijelimo se dodatno i ne osvrćimo se previše ne prošlost.

ODRŽANA GODIŠNJA KONFERENCIJA SISTEMA OBUKE ZA JEDINICE LOKALNE SAMOUPRAVE U BIH

SARAJEVO, 21. decembar/prosinac

— Federalno ministarstvo pravde i Ministarstvo uprave i lokalne samouprave Republike Srpske, kao nosioci aktivnosti sistema obuke za zaposlene u jedinicama lokalne samouprave, u saradnji sa Razvojnim programom Ujedinjenih nacija (UNDP) organizirali su danas u Sarajevu godišnju konferenciju Sistema obuke za jedinice lokalne samouprave u BiH. Cilj sistema obuke je unapređenje rada organa lokalne samouprave kroz jačanje kapaciteta zaposlenika, te izabranih zvaničnika.

U proteklom periodu su na polju obuke zaposlenih u jedinicama lokalne samouprave napravljeni značajni pomaci, gdje su na osnovu iskazanih potreba usvojene entitetske strategije obuke, uspostavljene strukture sistema, te obučeno više od 3.000 zaposlenih u općinama i gradovima BiH.

Federalni ministar pravde Zoran Mikulić kazao je da je ova obuka veoma značajna, te da ona treba predstavljati budućnost u našoj zemlji. "Moramo imati obučene, kvalifikovane kadrove koji će pružiti najbolje usluge građanima", naglasio je ministar Mikulić.

Ministrica uprave i lokalne samouprave RS-a Lejla Rešić kazala je da se na ovaj način sistemski obučavaju svi službenici iz jedinica lokalnih samouprava.

Cilj današnje konferencije je da se analiziraju postignuti rezultati u oblasti obuke zaposlenih u jedinicama lokalne samouprave, kao i izazovi sa kojima se susreće sistem obuke, posebno u smislu upravljanja ljudskim resursima i upravljanja obukom, te stanjem na tržištu obuke u Bosni i Hercegovini.

Na kraju konferencije usvojeni su i zaključci koji će predstavljati svojvrstan orijentir u budućem radu i saradnji svih institucija angažiranih na Projektu „Sistem obuke za jedinice lokalne samouprave u Bosni i Hercegovini“.



INTERVJU: EDIN HOZAN, NAČELNIK OPĆINE JAJCE

Razgovarala: Ljiljana SKOKIĆ

SARAJEVO, 3. JANUARA (ONASA) - Načelnik Općine Jajce Edin Hozan u intervjuu za Agenciju ONASA govori, između ostalog, o radu općine u proteklom periodu, ekonomskoj situaciji, nosiocima privrednog razvoja općine, strateškim pravcima rada, stepenu zaposlenosti...

ONASA: Kakvo ste stanje zatekli u općini po preuzimanju funkcije načelnika? Kako biste ocijenili rad općine u proteklom periodu?

HOZAN: Ako polazimo od činjenice da je općina likvidna i da nema nikakvih dugovanja mogu konstatovati da je stanje u općini relativno dobro i da je rad prethodnog načelnika bio veoma odgovoran.

ONASA: Kako ocjenjujete trenutnu ekonomsku situaciju na području općine Jajce? Koji su privredni subjekti nosioci razvoja općine?

HOZAN: Ekonomska situacija je slična situaciji u većini drugih općina, to jeste veoma teška. Inače, u našem gradu imamo nekoliko proizvodnih subjekata koji su stopostotni izvoznici, kao što su npr. Rudnik boksita, BSI, Jajce Alloy Wheels, i još nekoliko manjih, i uz dvije hidroelektrane su u ovom trenutku nosioci privrede u Jajcu.

Od svih ovih privrednih subjekata očekujemo i dalji razvoj i napredak, što bi pomoglo u rješavanju najvećeg problema u općini, odnosno nezaposlenosti. Recimo, firma Alloy Wheels, koja se bavi proizvodnjom aluminijskih felgi, uskoro planira otvoriti pogon lakirnice, a tu bi moglo doći do novog zapošljavanja oko 10 do 15 ljudi. Napomenuo bih da su radnici Rudnika boksit tokom eksploatacije boksita pronašli jednu vrstu kamena, a tokom istraživanja se pokazalo da se taj kamen može koristiti u građevinarstvu. Uskoro će biti podnijen zahtjev za eksploataciju tog kamena, što opet može dovesti do novih zapošljavanja oko 20 do 30 ljudi. Istovremeno, firma BSI takođe ima određene planove u proširenju proizvodnje i naravno za nova zapošljavanja.

ONASA: Koje su prioritetne aktivnosti koje će općina realizovati u narednom periodu?

HOZAN: Nastavak izgradnje komunalne infrastrukture, izrada prostorno- planske dokumentacije, koja nedostaje, definisanje poslovnih zona, promocija i razvoj turističkih potencijala su prioritetni zadaci koje ćemo nastojati realizovati u narednom periodu.

Našoj općini nedostaje prostorno- planska dokumentacija, kataster je nesređen, imovinski odnosi su još uvijek jako nedefinisani. Kao posljedica privatizacije nastala su neka nedefinisana područja, pa u narednom periodu općina planira riješiti i ove probleme. Trenutno smo u proceduri izrade prostornog plana, nakon čega izgrađujemo dokumente kao što su urbanistički i regulacioni plan. Nakon toga ćemo imati jasnu sliku šta bi na području naše općine moglo da se dešava i jasnije ćemo definisati područja poslovnih zona u općini. Napravićemo poslove zone, osigurati infrastrukturu, te pokušati privući investitore.

Općina posjeduje interesantan objekat, a riječ je o kasarni Kamenice, koja je općini data na raspolaganje do 2013. godine. Praktično, mi nemamo vremena i nismo u mogućnosti da dalje nudimo taj prostor za koji imamo kratak rok. Tražićemo od Vlade Federacije BiH (FBiH) da nam je da na period od oko 100 godina. Nakon toga, planiramo investirati u objekat, pa od njega napraviti jednu mini poslovnu zonu. Takođe, na području općine imamo i cisterne ukopane u zemlju. One trenutno nisu u funkciji, a mogle bi biti naftni terminali, ili naftne rezerve za neke naše distributere.

ONASA: Koje grane privrede imaju najveće potencijale za ulaganje u Jajce i šta općina čini kako bi privukla investitore?

HOZAN: Turizam, neki vidovi poljoprivredne proizvodnje, izgradnja poslovnih zona i hidropotencijali su ti koji bi u narednom periodu trebali privlačiti investicije.

ONASA: Na koje oblasti su fokusirani strateški pravci općine i koji su preduslovi za njihovu realizaciju?



Edin Hozan, načelnik Općine Jajce



Grb Općine Jajce

“prema budžetskom planu općine, od 20 do 25 posto budžeta se izdvaja na kapitalna ulaganja. Dakle, od dva do 2,5 miliona KM ulažemo u infrastrukturu, najviše na sanaciju i izgradnju puteva, zatim za vodovodni i kanalizacioni sistem.”



Jajce

"Savez općina i gradova FBiH općinama najviše pomaže u dijelu izrade i donošenja zakonske legislative, a samim tim pomaže i općini Jajce."

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu



Jajce

HOZAN: Strateški pravci su, kao što je već rečeno, turizam, hidroenergija, industrijska proizvodnja i neki vidovi poljoprivredne proizvodnje za koje naša općina ima optimalne uslove. Osnovni preduslov je maksimalno zalaganje i korištenje znanja obrazovanih i stručnih ljudi. Općina Jajce, što se tiče turizma, ima prirodna bogatstva, imamo Veliko i Malo Plivsko jezero, a tu nam nedostaje prateća infrastruktura i sadržaji. U narednom periodu bi trebali udružiti javna i privatna sredstva kako bi na tom prostoru i u prirodnom ambijentu stvorili uslove za razvoj turizma, te obezbijedili kompletnu turističku ponudu. Ako tome dodamo kulturno-istorijske znamenitosti kojima Jajce obiluje, onda bi to mogla biti jedna zaokružena cjelina i koja bi mogla predstavljati jedan turistički brend u BiH.

Kada je riječ o hidropotencijalu imamo rijeku Vrbas. Prema strategiji razvoja u FBiH planirana je izgradnja još pet hidrocentrala, od kojih će tri biti na području općine Jajce, jedna je na rijeci Ugar, djelimično na području naše općine. Takođe, posjedujemo i male riječice gdje je moguća izgradnja mini hidricentrala.

Rađena su i određena istraživanja u oblasti vjetroenergije pa je rečeno da u planinskom dijelu općine mogu funkcionisati i vjetroelektrane.

Inače, prema budžetskom planu općine, od 20 do 25 posto budžeta se izdvaja na kapitalna ulaganja. Dakle, od dva do 2,5 miliona KM ulažemo u infrastrukturu, najviše na sanaciju i izgradnju puteva, zatim za vodovodni i kanizacioni sistem.

ONASA: Da li ste zadovoljni stepenom zaposlenosti na području općine Jajce i šta će općinska vlast uraditi na poboljšanju stope zaposlenosti, posebno mladih i obrazovanih kadrova?

HOZAN: Naravno da nisam zadovoljan, kao i u drugim općinama i u Jajcu je visok procenat nezaposlenih osoba.

Trenutno, na evidenciji službe za zapošljavanje Općine Jajce nalazi se oko 3.500 nezaposlenih osoba. Međutim, ukoliko ostvarimo planove o kojima sam već govorio možemo očekivati da se taj procenat u narednom periodu počne smanjivati.

Općina Jajce je jedna od općina koja ima pretpostavke za razvoj turizma, imamo hidropotencijale, imamo nešto šume pa se nadamo da ćemo sve to iskoristiti kako bi poboljšali procenat zaposlenosti.

Takođe, jedan broj ljudi se bavi i poljoprivredom, a moja želja i namjera je da u narednom periodu ljude koji se bave poljoprivredom stavimo u sistem, u smislu da se samozaposle. Mislim da bi bilo dobro osnovati mini farme ili gazdinstva. Plan mi je izdvojiti inicijalna sredstva za samozapošljavanje fizičkih lica u iznosu od oko 50.000 KM.

ONASA: Kakva je saradnja općine sa Savezom općina i gradova Federacije BiH? U kojoj mjeri Savez pomaže općini Jajce?

HOZAN: Koliko znam, saradnja sa Savezom općina i gradova FBiH u proteklom periodu je bila dobra i ovih dana u toku su aktivnosti oko formiranja tijela Saveza za naredni mandatni period. Savez općina i gradova FBiH općinama najviše pomaže u dijelu izrade i donošenja zakonske legislative, a samim tim pomaže i općini Jajce.

ONASA: Prema Vašem mišljenju, koji su najčešći problemi sa kojima se suočava općina Jajce?

HOZAN: Općina Jajce je povratnička općina i susreće se sa svim problemima sa kojima se susreću općine slične sudbine u proteklom periodu. Jedan od najvećih problema svakako je nezaposlenost. Slijedeći najveći problem je u oblasti zdravstvene zaštite. Naime, pored JZU Dom zdravlja u Jajcu radi i Opća bolnica, međutim zbog nedostatka finansijskih sredstava otežano funkcionise. Naši građani ne dobijaju zadovoljavajući nivo usluga koji bi trebali, pa su stoga primorani zdravstvene usluge tražiti u zdravstvenim ustanovama u drugim gradovima našeg kantona.

OPĆINA G. VAKUF ZADUŽUJE SE 1 MIL. KM ZA UREĐENJE INDUSTRIJSKE ZONE

Općinsko vijeće Gornjeg Vakufa/Uskoplja 20. decembra/prosinca usvojilo je odluku po kojoj će se ova općina kreditno zadužiti za iznos od 1 mil KM, kojim se planira uređenje industrijske zone "Batuški lug", prenosi Fena.

Kako je istakao načelnik Sead Čaušević, zaduženje će se izvršiti kod odabrane banke po veoma povoljnim uvjetima, uz izuzetno povoljnu kamatu, grejs period od godinu dana i otplatu od osam godina. Uz potencijalne strane investitore učešće u izgradnji kapaciteta u industrijskoj zoni "Batuški lug" moći će uzeti i lokalni privrednici. Uređenje infrastrukture u ovom dijelu grada označit će prekretnicu u ekonomskom razvoju općine.



Općinsko vijeće Gornji
Vakuf/Uskoplje

Savez / Zajedno za uređenu i razvijenu lokalnu samoupravu

INTERVJU: AGAN BUNIĆ, NAČELNIK OPĆINE BUŽIM

Razgovarala: Alisa DRECA

SARAJEVO, 27. DECEMBRA (ONASA) - Načelnik Općine Bužim Agan Bunić u intervjuu za Agenciju ONASA govori, između ostalog, o zatečenom stanju u Općini od preuzimanja dužnosti načelnika, strateškim aktivnostima Općine, problemima s kojim se ova općina susreće u svom radu, saradnji sa višim nivoima vlasti i Savezom općina i gradova Federacije BiH, planovima za naredni period...

ONASA: Kako ocjenjujete zatečeno stanje u općini Bužim od preuzimanja dužnosti načelnika?

BUNIĆ: Nakon preuzimanja dužnosti načelnika, kroz zapisnik o primopredaji dužnosti, vidjelo se da je Općina Bužim opterećena raznim tužbama, od tužbi radnika, izvođača radova, do tužbi za nerad administracije.

Veliki problem predstavlja visok stepen neriješenih predmeta, kojih je trenutno više od 60 posto, a neutrošena namjenska sredstva koja godinama stoje na budžetu su također opterećenje Općine.

Dakle, zatekao sam poprilično zapušteno stanje po raznim osnovama, te ćemo u narednom periodu raditi na poboljšanju tog stanja. S tim u vezi, u toku je nova izrada organizacije sistematizacije poslova, tako da će općinski službenici morati profesionalnije, brže i efikasnije raditi. Predmeti građana koji se tiču rješavanja postupaka urbanističkih i građevinskih dozvola, kao i predmeti vezani za privredu i privredna dešavanja moraju biti prioritet.

ONASA: Na koje oblasti su fokusirane strateške aktivnosti Općine i koji su preduslovi za njihovu realizaciju?

BUNIĆ: Jedan od gorućih problema Općine Bužim jeste vodosnabdijevanje, posebno Mjesne zajednice Konjodor, gdje oko 2.000 stanovnika trenutno nema vode za piće. U tom pravcu ćemo u narednom periodu uraditi sve, pa tražimo podršku i viših nivoa vlasti da riješimo ovaj problem. Također, važno je završiti Dom kulture Bužim, te početi izgradnju sportske dvorane. Planirano je da se sportska dvorana gradi pored srednje škole u Bužimu, za šta su već urađeni glavni projekat i riješeni imovinsko-pravni odnosi. Međutim, to ne možemo bez podrške viših nivoa vlasti i donatorskih sredstava. Bužim je jedina općina na području USK, pa i šire, koja nema nikakvu sportsku dvoranu. Imamo 25 sportskih klubova i srednju školu koja nema nikakav prostor za tjelesni i zdravstveni odgoj, zbog čega smatram da Bužim zaslužuje posebnu pažnju viših organa vlasti kod realizacije ovog projekta.

Naravno, moramo završiti i izgradnju lokalne putne mreže i niz drugih životno važnih projekata. Istovremeno, radićemo na drugoj fazi izgradnje obilaznice kroz Bužim, za šta nam je potrebno 500.000 KM. Ta faza je i najznačajnija, jer će se njenom izgradnjom poboljšati sigurnost u odvijanju saobraćaja kroz Bužim, zbog čega očekujemo podršku vlada USK i Federacije BiH. Prva faza izgradnje obilaznice kroz Bužim koštala je milion KM, što je finansiralo federalno resorno ministarstvo.

ONASA: Koje oblasti su najznačajniji potencijali za ulaganje i pokazuju li strani investitori interes za ulaganje u općinu Bužim?

BUNIĆ: Trenutno se vode aktivnosti na ponovnom pokretanju rada fabrike koja je proizvodila stolice "Abonos", a čiji vlasnik je iz Italije. Ta fabrika je u proteklih deset godina zapošljavala 170 radnika i bila najveći izvoznik sa područja USK, ali je prestala sa radom prije godinu dana, zbog recesije i ukupne ekonomske krize u svijetu.


Vode se i određene aktivnosti oko pokretanja rada Rudnika mangana "Bužim", jedinog takve vrste u BiH. U tom je rudniku uspješno završen proces privatizacije, gdje je bugarska kompanija vlasnik 67 posto kapitala.

Također, bužimska građevinska kompanija Kov-grad u martu ili aprilu 2013. godine planira početi i sa recikliranjem guma. Ta kompanija trenutno upošljava 100 radnika, a pokretanjem nove proizvodnje biće ih uposleno još 20. Općina Bužim ima i velike potencijale u proizvodnji malina, kestena i mlijeka, a u zamahu je i plastična proizvodnja.

Iz općinskog budžeta godišnje se izdvaja oko 100.000 KM za poticaj poljoprivrede.

ONASA: Na prijedlog Ministarstva privrede i Razvojne agencije Unsko-sanskog kantona, Vlada USK je donijela Odluku o uspostavljanju Kreditno garancijskog fonda kojim će upravljati Razvojna agencija Unsko-sanskog kantona. Koje će benefite imati privrednici sa područja općine Bužim od ovog fonda?

BUNIĆ: Svaka nova ideja koja ide u pravcu popravljavanja privrednog ambijenta, zapošljavanja i pomoći osobama koje žele da rade je dobro došla. Nadam se da će privrednici iskoristiti navedenu mogućnost, a Općina Bužim i nadležne službe u tom smislu stoje na raspolaganju Ministarstvu privrede USK-a, Razvojnoj agenciji USK-a i svim privrednicima.



Agan Bunić, načelnik Općine Bužim

"Bužim je jedina općina na području USK, pa i šire, koja nema nikakvu sportsku dvoranu. Imamo 25 sportskih klubova i srednju školu koja nema nikakav prostor za tjelesni i zdravstveni odgoj, zbog čega smatram da Bužim zaslužuje posebnu pažnju viših organa vlasti kod realizacije ovog projekta."



Bužim



Grb Općine Bužim

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmeded.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

"Savez općina i gradova Federacije BiH je značajna organizacija lokalnih zajednica u radu, komunikaciji, razmjeni iskustava i zajedničkom nastupu naspram viših organa vlasti... Ponekad se zakoni i drugi propisi donose bez konsultacija sa lokalnim zajednicama, posebno oni koji se tiču pripadnosti javnih prihoda, te je u tom dijelu značajna uloga Saveza kao tijela koje se bavi zaštitom prava lokalnih zajednica."

Moja teza stvaranja boljih privrednika i većeg zapošljavanja isključivo se temelji na domaćem. Stranim investitorima treba dati prostor za poslovanje, ali je prvobitno potrebno pomoći domaćim privrednicima.



ONASA: Prema Vašem mišljenju, koji su problemi s kojima se Općina Bužim susreće u svom radu?

BUNIĆ: Osnovni problem funkcionisanja Općine Bužim jeste nedostatak finansijskih sredstava, odnosno nedostatak sredstava sa viših nivoa vlasti za određene projekte. Budžet Općine iznosi tri miliona KM, od čega se 2,5 miliona KM izdvaja za rad organa uprave, tekuće grantove, finansiranje sporta, kulture., a oko pola miliona KM ostane za investicije. Sa tim sredstvima ne možemo započeti nijedan ozbiljniji projekat, zbog čega nam je potrebna podrška viših nivoa vlasti, fondova, ambasada stranih zemalja...

Problemi Općine postoje i u dijelu funkcionisanja organa uprave, a odnose se na nedostatak stručnog kadra, nedostatak ukupnog broja izvršioaca. Konstantan je visok broj neriješenih predmeta, a to sve direktno trpe građani. Dakle, u narednom periodu će se rješavati problem funkcionisanja organa uprave kako bi to bio istinski servis građana.

ONASA: Da li ste zadovoljni stepenom zaposlenosti na području općine Bužim i šta će općinska vlast u narednom periodu uraditi na poboljšanju stope zaposlenosti, posebno mladih i obrazovanih kadrova?

BUNIĆ: Stopa nezaposlenosti na području općine Bužim trenutno iznosi 74 posto, što je jako loša ekonomska slika. Nadam se da će se to stanje jednim dijelom popraviti kada sa radom ponovo počne pomenuta fabrika stolica "Abonos". Također, moramo pokrenuti priču o poslovnim zonama u Bužimu, vidjeti šta to privrednici sa područja Bužima očekuju od lokalne zajednice kako bi zaposlili određeni broja radnika.

Nezaposlenost je osnovni problem u Bužimu, a ako to ne uspijemo svesti na podnošljivu mjeru, onda nećemo imati nikakve koristi ni od kakvih projekata.

Trenutno je na bužimskom Birou za zapošljavanje prijavljeno oko 50 visokoobrazovanih kadrova, od kojih je najviše društvene i ekonomske struke. Međutim, imamo nedostatak stručnih, tehničkih kadrova. Mi nastojimo visokoobrazovanim kadrovima obezbijediti pripravnčki staž u trajanju od godinu dana, nakon čega bi oni mogli izaći na tržište rada. Ove godine je Općina prvi put dodijelila 118 stipendija, što smo uspjeli kroz rebalans budžeta.

ONASA: Koliko iznosi rebalans budžeta Općine Bužim za 2012. godinu?

BUNIĆ: Rebalans budžeta za 2012. godinu iznosi 3.009.000 KM, što je umanjeno za oko 70.000 u odnosu na plan. Dio sredstava izdvojen je za neporezne prihode, odnosno komunalne naknade. Općina u ovoj godini nije građanima poslala niti jednu fakturu za komunalne naknade, što se opet pripisuje neradu općinske administracije. Također, napravljene su korekcije za finansiranje određenih projekata, koje su unutar općinskih službi pogrešno planirane.

Iz Budžeta je izdvojeno i 10.000 KM za pisanje Monografije o Bužimu, što realizira Udruženje mladih. Riječ je o ozbiljnoj knjizi u kojoj će biti sažeto sve o Bužimu, od njegovog nastanka do danas. Očekujemo da će zvanična promocija te knjige biti upriličena 20. februara 2013. godine, na Dan Općine, a planirano je i da se prevede na engleski i turski jezik. Po prvi put smo obezbijedili stipendije za sve bužimске studente (118 studenata).

ONASA: U kojoj mjeri Savez općina i gradova Federacije BiH pomaže Općini Bužim i jeste li zadovoljni međusobnom saradnjom?

BUNIĆ: Savez općina i gradova Federacije BiH je značajna organizacija lokalnih zajednica u radu, komunikaciji, razmjeni iskustava i zajedničkom nastupu naspram viših organa vlasti. Ovaj savez je posebno značajan za male i srednje općine, koje ponekad budu na udaru zakonodavnih aktivnosti viših organa vlasti. Ponekad se zakoni i drugi propisi donose bez konsultacija sa lokalnim zajednicama, posebno oni koji se tiču pripadnosti javnih prihoda, te je u tom dijelu značajna uloga Saveza kao tijela koje se bavi zaštitom prava lokalnih zajednica.

Počele su aktivnosti oko novog sastava Predsjedništva Saveza općina i gradova FBiH, a ja sam kandidat u ime USK.

Savez / Zajedno za uređenu i razvijenu lokalnu samoupravu



ONASA: Imate li podršku Vlade Unsko-sanskog kantona i Vlade Federacije BiH?

BUNIĆ: Bužim je u proteklom periodu imao podršku vlada USK i FBiH, ali se značajnijoj podršci nadam u narednom periodu, posebno u dijelu finansiranja kapitalnih investicija. Prije svega mislim na vodosnabdijevanje, izgradnju putne mreže, sportske infrastrukture i drugih projekata. Bužim to zaslužuje i mi samo tražimo ravnomjeran razvoj svih općina na području FBiH.

Rekao bih da nam je Vlada FBiH pružala veću podršku, jer je, između ostalog, finansirala kapitalne projekte kao što su obilaznica kroz Bužim i određeni projekti vodosnabdijevanja.

Vlada USK od 2010. godine izdvaja svega 16.000 KM za projekte u općini Bužim, te je ukinula grant za četiri nerazvijene općine: Bužim, Ključ, Bosanski Petrovac i Bosanska Krupa. Mi trebamo značajniju podršku Vlade USK, jer smatram da bismo trebali dostići minimum razvijenosti drugih općina, u smislu rješavanja kapitalnih investicija.

ONASA: Na čemu će biti akcenat rada Općine u narednom periodu, odnosno čemu ćete posebno posvetiti pažnju kao prvi čovjek izvršne vlasti u općini Bužim?

BUNIĆ: Prvo moramo popraviti odnose Općinskog vijeća i općinskog načelnika, koji su proteklom periodu bili značajno narušeni. Smatram da Općinsko vijeće treba donositi odluke jednoglasno zajedno sa načelnikom, odnosno da trebamo postići visok nivo međusobnog uvažavanja i tolerancije.

Moramo popravljati i političke odnose, uz poštivanje naših različitosti, ali moramo dići nivo naše saradnje u interesu građana općine. Ako uspijemo postići konsenzus oko ključnih životnih pitanja građana općine, onda neće biti problem realizacija svih naših projekata. U tom smislu pozivam sve političke subjekte na području općine, Općinsko vijeće i sve druge relevantne subjekte na sveopće jedinstvo u popravljanju stanja u Bužimu.



Stari grad Bužim

GRADONAČELNIK SARAJEVA A. BEHMEN PREDSTAVIO REZULTATE POSTIGNUTE U 2012. GODINI

SARAJEVO, 28. decembar/prosinac – Gradonačelnik Sarajeva Alija Behmen danas se na tradicionalnoj novogodišnjoj konferenciji za novinare osvrnuo na rezultate postignute u 2012. godini, kada bh. prijestolnica obilježava tri značajna jubileja: 20. godišnjicu od početka opsade grada, 550. godina od osnivanja Sarajeva i 67. godina od oslobođenja grada od fašizma.

Na Dan grada održana je scensko-muzička poema "Sarajevska crvena linija", u pomen 11.541 Sarajki i Sarajlija, od toga više od 1.600 djece, ubijenih tokom četverogodišnje opsade našeg grada.

Kolektivna nagrada "Duško Kondor" za građansku hrabrost i afirmaciju građanske hrabrosti dodijeljena je građanima Sarajeva koji su živjeli, bili ranjeni, ubijeni i umrli u Sarajevu za vrijeme opsade.

"Dan prije promovirali smo projekat Muzej opsade – Umijeće življenja 1992.-1995. – FAMA kolekcija, a poznato vam je da je Općina Centar izdala urbanističku dozvolu za izgradnju muzeja na prostoru Hastahane na Marijin-Dvoru. Važno je napomenuti da je nova gradska vlast pobratimskog grada Barcelone na čelu sa gradonačelnikom gđin. Xavier-om Trias-om, iskazala spremnost da finansijski pomogne ovaj projekat (sa 40.000 eura), a planira i veliku prezentaciju Muzeja opsade u proljeće 2013. godine", kazao je Behmen.

Istaknuo je da je unatoč nepovoljnim ekonomskim kretanjima u državi, te posljedičnom smanjivanju budžetskog priliva, Grad Sarajevo uspio održati svoje kapitalne projekte.

Jedan od njih je Program pomoći porodicama/majkama sa djecom.

Za period od deset mjeseci 2012. godine, pomoć od Grada Sarajeva su dobile ukupno 5.292 porodilje, za šta je izdvojeno 1.398.820 KM.

Pomoć od Grada Sarajeva u vidu porodijskih naknada primile su, u periodu od aprila 2009., kada je ova gradska administracija pokrenula ovaj projekat, pa do novembra 2012. godine, 20.244 porodilje.

Grad Sarajevo sa svojim partnerima "Parkom", "Radom" i Službom za zapošljavanje KS uspješno realizuje projekat "Posao za sve", koji ima radno-proizvodni i socijalni karakter.

"Sa ovom godinom blizu 400 ljudi je uključeno u ovaj projekat, za koji je Grad Sarajevo do sada izdvojio oko 3 miliona KM. Njegovom realizacijom se, bar u periodu od nekoliko mjeseci, zaposli određeni broj ljudi, koji ostvaruju sva prava iz radnog odnosa tj. primaju plaću, topli obrok i naknadu za prijevoz. Angažirani radnici obavljaju poslove na poboljšanju komunalne čistoće i hortikulturnom uređenju grada", kazao je Behmen.

Treći projekat se odnosi na prevenciju maloljetničke delinkvencije "I mi smo vaša djeca", koji se odvija u saradnji sa HO "Altius".



Predstavljanje rezultata postignutih u 2012. godini

"Pomoć od Grada Sarajeva u vidu porodijskih naknada primile su, u periodu od aprila 2009., kada je ova gradska administracija pokrenula ovaj projekat, pa do novembra 2012. godine, 20.244 porodilje."



Grb Grada Sarajeva

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

"Kao kruna saradnje Sarajeva i Istočnog Sarajeva, koja može da posluži za primjer svima u BiH ..., je da su nedavno proglašeni gradovima domaćinima Evropskog zimskog olimpijskog festivala za mlade 2017. godine"

"U uspješnu realizaciju ovog projekta krenuli smo 2009. godine sa 50 djece, da bi u 2012. godini došao na brojku od 300 djece sa izraženim poremećajima u ponašanju, sa kojima više od 60 profesionalno pozvanih stručnjaka svakodnevno radi, a sve u saradnji sa porodicama i 32 osnovne škole. Postoji zahtjev i potreba da se ovaj projekat prenese i u srednje škole, ali objektivno Grad Sarajevo nema finansijskih sredstava kojima bi se angažovao veći broj stručnjaka sa odgovarajućim iskustvom, a smatramo da je to obaveza i dužnost Kantona Sarajevo, a posebno Ministarstva za rad i socijalnu politiku", kazao je Behmen.

Početkom oktobra ove godine upriličena je i svečanost na kojoj je ozvaničen završetak treće i početak četvrte, završne faze obnove Vijećnice, koja podrazumijeva radove u unutrašnjosti objekta (instalaterske, zanatske na obradi enterijera, stolarske, restauraciju i rekonstrukciju gipsane i slikarske dekoracije).

Predviđeno je da ovaj nacionalni spomenik u potpunosti bude obnovljen i otvoren za javnost u junu 2014. godine koncertom Bečke filharmonije.

"Kao kruna saradnje Sarajeva i Istočnog Sarajeva, koja može da posluži za primjer svima u BiH, kako treba stvarati prostor za razgovore, dogovore i zajedničke akcije, je da su nedavno proglašeni gradovima domaćinima Evropskog zimskog olimpijskog festivala za mlade 2017. godine, uz učešće oko 3.000 sportista i tehničkog osoblja, iz više od 40 evropskih zemalja. Dobivanjem domaćinstva uvezali smo politički, kulturno-historijski, sportski, turistički i privredni interes, čime se BiH i čitava naša regija vraća u epicentar zanimanja svjetske javnosti. Pred nama je velika obaveza, potrebno je uložiti veliki trud kako bi obnovili sportsku, smještajnu i turističku infrastrukturu. Iza ovog projekta stoje sve strukture vlasti, od općina, preko gradova do entiteta, a ovih dana Vijeće ministara BiH i Predsjedništvo BiH dat će saglasnost. Očekivana sredstva za organizaciju ovog festivala mladosti, sporta i turizma iznose blizu 15 miliona eura, od čega će značajan dio sredstava biti doniran od strane javnog sektora putem grantova", kazao je Behmen. Povodom sto godina od početka Prvog svjetskog rata, Sarajevo će se na inicijativu Vlade Francuske, priključiti suorganizaciji kulturnog događaja pod nazivom "Sarajevo 2014." u junu 2014. godine, koju bi činili kulturni događaji: koncert na otvorenom u Sarajevu, sportske manifestacije u vezi sa "Tour de France", izložbe na javnim prostorima grada Sarajeva, modna revija, koncert klasične muzike, događaji u kojima učestvuju građani Sarajeva, specijalna televizijska emisija uživo iz Sarajeva.

U 2012. godini u okviru projekta obnove Trebevičke žičare završene su procedure na raspisivanju i provođenju međunarodnog tendera za izbor projektanta za izradu novog idejnog projekta za Trebevičku žičaru od strane Delegacije Evropske unije u BiH, te je kao najpovoljniji ponuđač odabrana italijanska projekantska kuća "Studio Corona".

Prema projektnom zadatku projektantska kuća "Studio Corona" imala je zadatak osigurati ulazne podatke koji će omogućiti implementaciju donirane žičare iz švicarskog zimskog centra Grachena na planinu Trebevič.

Idejni projekat je završen i trenutno se vrši revizija i prevod projekta od strane ovlaštene (licencirane) lokalne firme.

Također, sa predstavnicima iz Grachena je potpisan Protokol o primopredaji žičare, čime donirana žičara postaje vlasništvo Grada Sarajeva.

Grad Sarajevo je dobio 3,5 miliona eura donirane opreme od švicarskog zimskog centra Grachena koja je potvrđena projektom italijanske projekantske kuće "Studio Corona" i koja će biti ugrađena u trebevičku žičaru.

S obzirom na dinamiku realizacije projekta, očekuje se završetak i stavljanje žičare u funkciju 2014. godine.

Grad Sarajevo je prvi grad iz našeg regiona koji je ove godine zvanično primljen u V fazu mreže zdravih gradova Svjetske zdravstvene organizacije (WHO).

Grad Sarajevo se ovom odlukom obavezao da bude radni partner Svjetskoj zdravstvenoj organizaciji u razvoju znanja, sredstava i ekspertiza za ključna pitanja unapređenja zdravlja i kvalitete života ljudi, posebno kad je riječ o stručnoj procjeni uticaja na zdravlje, te o zdravom urbanom planiranju i zdravom starenju.

"U sklopu našeg projekta 'Sarajevo-zdravi grad', uspješno već četvrtu godinu realizujemo projekte unapređenja zdravlja djece u segmentu odgovarajuće ishrane i fizičke aktivnosti, te kvalitete života stanovnika u trećoj dobi", kazao je Behmen.

Prije mjesec dana Gradsko vijeće je usvojilo veoma važan dokument Strategija razvoja Grada Sarajeva 2012.-2020., koji je rezultat procesa integrisanog lokalnog planiranja i osmišljavanja budućnosti zajednice koja jednaku pažnju posvećuje izgradnji humanog društvenog okruženja, podsticanju i vođenju održivog i stabilnog ekonomskog razvoja, i bezuslovnog poštovanja okoline i njene zaštite.

Pripremi Strategije razvoja su prethodile brojne aktivnosti, koje su uključivale i brojne konsultacije sa akterima civilnog društva i privatnog sektora na području Grada i Kantona Sarajevo, kao i anketiranje predstavnika svih mjesnih zajednica na području četiri gradske općine.



U cilju preuzimanja aktivnije uloge Grada Sarajeva u razvoju lokalnog biznisa sa radom je započeo Gradski biznis centar, koji je pokrenuo niz konkretnih aktivnosti. Biznis centar je uspostavio saradnju sa Češkom razvojnom agencijom koja je spremna pružiti stručno-tehničku pomoć prilikom apliciranja za sredstva evropskih fondova, kao i sa Konfederacijom industrije Češke Republike s ciljem pružanja pomoći potencijalnim češkim investitorima pri pokretanju biznisa na području Kantona Sarajevo i šire.

Sljedeća aktivnost Biznis centra se odnosi na izradu vodiča za pokretanje biznisa na području KS, potom na uspostavu saradnje sa SERDOM u cilju nuđenja usluga Kreditno-garantnog fonda, te na pripremu projekata u programu prekogranične saradnje Bosna i Hercegovina – Crna Gora.

DIJALOG GRADONAČELNIKA

Dijalog gradonačelnika, kao dio Urbanog partnerstva Svjetske Banke i Republike Austrije, biće organizovan od 23. do 25. januara/siječnja 2013. godine u Beču (Austrija). Ovaj program ima za cilj podršku i pomoć gradovima u modernizaciji i reformama, kroz promovisanje održivog lokalnog razvoja i unapređeno upravljanje.

Iako je program globalnog karaktera, usmjeren je na države jugoistočne Evrope, uključujući Albaniju, Bosnu i Hercegovinu, Hrvatsku, Kosovo, Makedoniju, Crnu Goru, i Srbiju. Zasnovan isključivo na potrebama korisnika, ovaj program nudi gradovima seriju dijaloga na teme kao što su: lokalne finansije, urbanističko planiranje i upravljanje zemljištem, pružanje komunalnih usluga, treninge u oblasti liderstva, jačanje kapaciteta u oblasti borbe protiv korupcije u upravljanju gradovima.

Konferencija će biti usmjerena na izazove liderstva u upravljanju gradovima u jugoistočnoj Evropi, gledano kroz prizmu lokalnih čelnika, a okupit će više rukovodioca iz gradova u regionu koji će se osvrnuti na napredak u reformama u oblasti lokalnih finansija i urbanističkog planiranja, sa naglaskom na primjere dobre prakse u upravljanju i ključnoj ulozi lokalnih lidera. Biće diskutovana neka od sledećih pitanja: kako gradonačelnici mogu unaprijediti pružanje općinskih usluga na održiv i sveobuhvatan način koristeći alate dobrog upravljanja, kako se učešće građana može institucionalizovati u cilju dostizanja reformi u kooperativnom i transparentnom duhu.

Ciljnu publiku čine: vođstvo općina iz jugoistočne Evrope, uključujući i gradonačelnike iz gradova/općina koje su učestvovala u prethodnim dijalogima i aktivnostima Programa. Gosti – govornici biće gradonačelnici – transformatori iz evropskih gradova koji su sproveli uspješne reforme, koje predstavljaju primjere dobre prakse, primjenljive u jugoistočnoj Evropi. U publici će biti partnerski gradovi i općine, asocijacije općina i gradova, NALAS; načelnici Odeljenja za finansije, urbanisti, predstavnici nevladinog sektora (u skladu sa pozivom organizatora).

Za više informacije posjetite: www.seecities.eu <http://www.seecities.eu/Events-planned.aspx>

FORUM ZA TRAŽENJE PARTNERA IPA PROGRAM BIH - HRVATSKA

Operativne strukture IPA Prekograničnog programa Hrvatska - Bosna i Hercegovina 2007-2013 u saradnji s ZTS-om i uz potporu Ugovarateljskih tijela kao dio priprema za Treći poziv na predaju projektnih prijedloga organiziraju Forum za traženje partnera.

Primarni cilj Forum za traženje partnera je potaknuti izgradnju prekograničnih partnerstava kroz pružanje prilike potencijalnim prijaviteljima za uspostavu izravnog prekograničnog kontakta. Sudionici Forumu će imati priliku na jednom mjestu potražiti učesnike sa sličnim interesima, razmijeniti projektne ideje i stvoriti preduvjete za buduću saradnju na pripremi projektnih prijedloga.

Forum će se održati 29.01.2012. u Bihaću s početkom u 9.30 sati (tačna lokacija će biti kasnije objavljena).

Kako bi se stvorile pretpostavke za optimalno organiziranje logistike (prostor, raspored sjedenja, materijeli...) nužno je da sudionici pravovremeno izvrše prijavu sudjelovanja putem on-line obrasca koji se nalazi na stranici Programa (http://cbc-cro-bih.net/index.php?option=com_rsform&formid=1&lang=hr) najkasnije do četvrtka 24.01.2013. godine.

Svi sudionici se potiču na unos projektnih ideja koje razvijaju na "on-line forum za traženje partnera" koji se nalazi na stranici Programa do 24.01.2013. godine jer će na taj način biti dostupne većem broju potencijalnih partnera ali će se također iskoristiti (ideje pristigle iz 06.12.2011. - završetak 2. Poziva) i za organizaciju Forumu (printanje materijela). Po organizaciji Forumu će se kreirati Katalog projektnih ideja i kontakata koji će biti dostupan svim sudionicima putem web stranice Programa. Objava projektnih ideja se može izvršiti na stranici http://www.cbc-cro-bih.net/index.php?option=com_jforms&view=form&id=3&Itemid=55&lang=hr

Za sva dodatna pitanja kontaktirajte ZTS.



Najbolje rangirana prema ovom istraživanju je Banjaluka sa skorom - 76, iza koje slijede Bijeljina (74), Bihać (70), Ilidža (70)...



Konferencija 'Lokalna i regionalna samouprava u procesu energetske održivosti razvoja'

Ovaj međunarodni skup organizirali su Grad Sarajevo i Njemačko društvo za međunarodnu saradnju Otvoreni regionalni fond za jugoistočnu Evropu – energetska efikasnost (GIZ) u okviru trodnevne manifestacije "Dani energetske efikasnosti u Sarajevu 2012".

**Savez općina i gradova Federacije
Bosne i Hercegovine**

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nadite nas na facebook-u



POSJETITE NAS NA WEB-U

www.sogfbih.ba

LAF STUDY TOUR ON PUBLIC PROCUREMENT PROCEDURES

U okviru programa Local Administration Facility (LAF) organizuje se studijska posjeta Briselu pod nazivom „Procedura javnih nabavki“ (LAF Study Tour on Public Procurement Procedures) koja će trajati 20-22. februara/veljače 2013. godine. Cilj studijskog putovanja je pružiti priliku lokalnim i regionalnim predstavnicima za upoznavanjem i razmjenom ideja u vezi sa EU procedurama javnih nabavki. Ova posjeta je slična već jednoj organiziranoj u julu/srpnju i aprilu/travnju ove godine, jer je zaključeno da može biti korisno ponavljanje „uspješnih“ i korisnih tema novim polaznicima.

Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija). Maksimalno po šest učesnika može biti izabrano iz svake od zemalja Zapadnog Balkana.

Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIE@eeas.europa.eu

Izbor kandidata vršiće Generalni direktorat za proširenje zajedno sa program menadžerima Delegacije Evropske Unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnom formularu. Znanje engleskog jezika je važno zbog praktičnih vježbi gdje će biti traženo učešće svih polaznika. Studijska posjeta organizuje se za učesnike koji nisu do sada bili dio LAF događaja ove vrste. Krajnji rok za podnošenje prijava je 21. januar/siječanj 2013. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KEŠAN@eeas.europa.eu

Prijavni obrazac, dnevni red i vodič za učesnike možete preuzeti na web stranici Saveza općina i gradova FBiH u meniju vijesti (<http://www.sogfbih.ba/index.php?lang=ba&sel=1&view=523,3>)

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

